

193.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKO VIJEĆE**

Broj: 0-01/1-327/13

Kakanj, 30.07.2013. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06), člana 24. i 108. Statuta Općine Kakanj („Službene novine Općine Kakanj“, broj: 4/08), a u vezi sa članom 21. i 49. Zakona o komunalnim djelatnostima („Službene novine Zeničko-dobojskog kantona“, broj: 17/08), Općinsko vijeće Kakanj na 10. sjednici održanoj 30.07.2013. godine donijelo je

O D L U K U

o izmjenama i dopunama Odluke o komunalnim djelatnostima zajedničke komunalne potrošnje

Član 1.

U Odluci o komunalnim djelatnostima zajedničke komunalne potrošnje („Službene novine Općine Kakanj“, broj: 6/09), u članu 5. iza stava (1) dodaju se novi stavovi (2), (3), (4) i (5) koji glase:

“Obveznik plaćanja komunalne naknade utvrđuje se uviđajem, na osnovu podataka iz vlasničke dokumentacije, odnosno ugovora o korištenju prostora, te službenih evidencija Općine Kakanj i davaoca usluga obavljanja djelatnosti individualne i zajedničke komunalne potrošnje.

O svim promjenama koje se odnose na obavezu plaćanja komunalne naknade (promjena nosioca prava vlasništva ili raspolaganja na prostorima i površinama, prestanak rada objekta, promjena djelatnosti u objektu i sl.), obveznik (fizičko ili pravno lice) je dužan u roku od 15 (petnaest) dana od dana nastale promjene pismeno obavijestiti Zavod za planiranje i izgradnju općine Kakanj.

Ukoliko obveznik plaćanja komunalne naknade ne prijavi promjenu na način koji je predviđen u prethodnom stavu, plaćanje komunalne naknade ostaje njegova obaveza.

Obveznici komunalne naknade dužni su na zahtjev ovlaštenog lica predložiti potrebnu dokumentaciju na osnovu koje se može ustanoviti obaveza plaćanja komunalne naknade i podatke o objektima i prostoru čija korisna površina predstavlja osnov za visinu obračuna”.

Član 2.

U članu 7. iza stava (1) dodaju se novi stavovi (2), (3) i (4) koji glase:

“Pravo na oslobađanje od obaveze plaćanja komunalne naknade za stambeni prostor imaju:

1. korisnici stalne socijalne pomoći;
2. nezaposlena lica koja se nalaze na evidenciji Biroa za zapošljavanje;
3. porodice šehida i poginulih boraca općine Kakanj;
4. invalidi sa 70 i više procenata invalidnosti;
5. obveznici čija mjesečna primanja ne prelaze iznos od 500,00KM.

Obveznici plaćanja komunalne naknade koji su počeli sa obavljanjem registrovane djelatnosti u toku tekuće godine oslobađaju se plaćanja komunalne naknade za tu godinu.

Rješenje o oslobađanju plaćanja komunalne naknade donosi Zavod za planiranje i izgradnju općine Kakanj, na zahtjev obveznika i na osnovu priložene odgovarajuće dokumentacije kojom se dokazuje da obveznik ima jedan od statusa, odnosno činjenice na osnovu kojih se vrši oslobađanje”.

Član 3.

Član 10. briše se.

Član 4.

U članu 12. stav (1) mijenja se i glasi:

“U odnosu na pogodnosti koje se pružaju korisnicima odnosno nivo opremljenosti naselja komunalnim objektima i uređajima zajedničke komunalne potrošnje, te obim i kvalitet pružanja

komunalnih usluga, područje općine Kakanj se dijeli u 6 (šest) zona, kako slijedi:

I ZONA

Granica polazi od mostova na rijeci Bosni na ulazu u Kakanj, ide ulicom Alije Izetbegovića do raskrsnice sa ulicom koja prolazi ispred OŠ "Hamdija Kreševljaković", zatim ide tom ulicom do Srednjoškolskog centra, skreće lijevo nekadašnjom Omladinskom ulicom (danas ulica Šehida) do ulaza u parcelu k.č. br. 1843, gdje se odvaja od ulice i produžava pravo granicama parcela k.č. br. 1838, 1837 i 1836/1, koje ne obuhvata, te se proteže granicom parcele k.č. br. 1747/25 ("Polet"), koju obuhvata i izlazi na ulicu ZPO i dalje ide granicom parcele k.č. br. 1346/1 (pogon Stara jama) koju obuhvata do trase bivše rudarske pruge.

Granica dalje nastavlja trasom te pruge (danas put) ispod Doma zdravlja do parcele k.č. br. 1235/1 (zgrada Općinskog suda Kakanj) koju obuhvata, te ide ravno granicom parcele k.č. br. 1236, izlazi na ulicu koja vodi u naselje Bare, zatim skreće lijevo putem do k.č. br. 1004 (UTU "Bobovac") gdje skreće desno i granicom ove parcele silazi u rijeku Zgošču.

Granica dalje nastavlja nizvodno rijekom Zgoščom do novoizgrađenog mosta kod zgrade Općine, gdje skreće desno i obilazeći parcelu k.č. br. 1369/11 ("Elektro Kakanj") koju obuhvata paralelno sa Ulicom branilaca, na udaljenosti od 50 m silazi do rijeke Bosne, te idući uzvodno dolazi na početnu tačku.

II ZONA

Granica polazi na rijeci Bosni na ivici parcele k.č. br. 2085 gdje skreće pravo obuhvatajući ovu parcelu i njenom granicom izlazi na put za Mile, dalje skreće lijevo, ide tim putem do raskršća, gdje skreće desno i ide putem prema Barama do granice parcele k.č. br. 1854/1, te granicom te parcele ide do k.č. br. 1855, koju presjeca i izlazi na ivicu k.č. br. 1834/1, koju obuhvata i ide granicama parcela k.č. br. 1832/1, 1832/2, 1833/1 i 1833/2, izlazi na granicu parcele k.č. br. 1847/1, koje sve obuhvata i nastavlja granicama parcela k.č. br.

1857, 1863, 1767/1 i 1769/1, te izlazi na granicu parcele k.č. br. 1771/1, 1773/3 i 1776/2, te ravno izlazi na ulicu ZPO kod k.č. br. 1838, dalje nastavlja putem koji ide prema Domu zdravlja do parcele 1276, gdje skreće desno i ivicom parcela k.č. br. 1276, 1275, 1274/2 i 1274/1 izlazi na parcelu k.č. br. 1272/1 (Dom Zdravlja) koju obuhvata, te granicama parcela k.č. br. 1267/5 i 1267/4 izlazi na ivicu parcela k.č. br. 1257 ("Ribnica"), k.č. br. 1222 ("Obdanište") koje obuhvata i produžava granicama parcela k.č. br. 1223 i 1224, izlazi na put za Bare (ul. Prvog maja), gdje skreće lijevo i ulicom dolazi do parcele k.č. br. 1004 ("Bobovac"), čijom granicom silazi u korito rijeke Zgošće.

Granica dalje ide uzvodno rijekom Zgoščom do mosta kod "Pilane", gdje skreće lijevo i ulicom Omera Maslića izlazi na ulicu Mehmeda Skopljaka, dalje skreće lijevo i ide do raskršća sa ulicom Rudarska, gdje skreće desno i ulicom Rudarska dolazi do ulice Rudi Čajavec, dalje kreće ulicom Rudi Čajavec do ulice 4. juli, dalje skreće desno i ide ulicom 4. juli do raskrsnice kod trafo stanice.

Granica produžava putem ispod muslimanskog groblja do parcele k.č. br. 1570, čijom granicom izlazi na potok Bijele vode, te dalje ide potokom do ušća u rijeku Bosnu, presjeca rijeku Bosnu i izlazi na industrijski put za Cementaru, dalje ide putem do pruge Šamac-Sarajevo (kod kuće Kahvo), tu se linija lomi skrećući lijevo i ide prugom do odvajanja industrijskog kolosjeka za Kakanj, zatim ovim kolosjekom ide do mosta na rijeci Bosni, te skreće lijevo na ulazu u grad, zatim skreće desno i uzvodno rijekom Bosnom dolazi do polazne tačke.

III ZONA (A)

Granica počinje na rijeci Bosni kod mostova (Industrijska pruga za Seperaciju) u Doboju ide nizvodno do granice parcele k.č. br. 2096 k.o. Kakanj, gdje se lomi i skreće desno prema parceli k.č. br. 1988 i dalje ide do kuće na k.č. br. 1920, gdje izlazi na granicu k.o. Kakanj i k.o. Bukovlje, dalje ide ovom granicom do deponije jalovine RMU, te ivicom ove deponije presijeca prema parceli k.č. br. 135 (Stočna pijaca), gdje se odvaja i ide paralelno sa ulicom Omera Maslića na udaljenosti od 100 m do parcele k.č. br. 1994, presijeca put za

Bukovlje i paralelno sa rijekom Zgoščom, na udaljenosti od 100 m ide do k.č. br. 144/2, tj. do potoka "Vrelski potok", zatim ide potokom do rijeke Zgošće koju presijeca i presijeca put Kakanj-Tršće, a granicom parcele k.č. br. 131 ide u pravcu zapada do parcele k.č. br. 68 i u pravcu zapada izlazi na put Kakanj-Brnjic.

Putem ide u pravcu Brnjica do granice kamenoloma "Greben", zatim tom granicom silazi u potok Bijele vode, kojim ide nizvodno do mosta, na kome je potok Bijele vode prolazi ispod industrijskog puta za kamenolom, gdje se odvaja i skreće ulijevo, te u pravcu istoka izlazi na put Kakanj-Brnjic, dalje paralelno putem ide u pravcu Kaknja na udaljenosti od 50 m do raskršća kod trafo stanice, gdje se uklapa u granicu II zone, te istom silazi do mosta na rijeci Bosni tj. do početne tačke.

III ZONA (B)

Granica polazi od autoputa na petlji "Banjevac", ide autoputem prema Sarajevu do ulaza u naselje Termoelektrane, gdje skreće desno i obuhvatajući ovo naselje silazi u potok koji ide iz Kujavča, te ovim potokom silazi u rijeku Bosnu, zatim skreće lijevo i ide nizvodno rijekom Bosnom do ušća potoka "Slapnica", te ovim potokom ide uzvodno i obilazeći deponiju jalovine Termoelektrane, koju obuhvata, izlazi na put iz sela Slapnica.

Ovim putem granica ide do mosta na rijeci Trstionica, zatim tom rijekom silazi u rijeku Bosna i nizvodno rijekom Bosnom dolazi do Željezničkog mosta na pruzi Šamac-Sarajevo (u Lukama), zatim skreće lijevo i ravno izlazi na autoput za Sarajevo, te ovim putem ide do polazne tačke.

IV ZONA (A)

Granica polazi od mostova na rijeci Bosni u naselju Doboju (pruga za Separaciju), ide prugom prema Željezničkoj stanici, dalje ide prugom do raskršća kod kuće Kahvo, gdje skreće desno i ide putem prema Cementarinom mostu na rijeci Bosni, skreće lijevo i rijekom Bosnom ide do mosta kojim

autoput prelazi u Karaulsko polje, izlazi na autoput i autoputem ide do petlje za Kakanj, gdje se odvaja i paralelno sa putem od Dumanca prema OŠ u Doboju, na udaljenosti od 50 m ide do mjesta "Ćamilova česma" gdje silazi u potok Koprivnica i potokom ide do mjesta gdje potok prolazi ispod pruge Šamac-Sarajevo, te skreće desno i prugom ide do mosta na rijeci Bosni, zatim ide koritom rijeke Bosne do ušća Trstionice, gdje skreće lijevo i Trstionicom ide do puta za Slapnicu, gdje skreće desno i ovim putem ide do starog puta za Slapnicu. Ovim putem se vraća prema Čatićima, te obuhvatajući naselje Mlinčići silazi u rijeku Trstionicu, ide uzvodno do k.č. br. 855/1 DS "Čerad", gdje skreće lijevo i granicom parcele k.č. br. 853 izlazi na put Kakanj-Kraljeva Sutjeska, presijeca put i parcelom k.č. br. 730 i parcelama k.č. br. 734, 742, 443, 425 i 422 izlazi na industrijsku prugu Separacija-Haljinići. Prugom granica ide prema Haljinićima do tunela pod Hrasno, nastavlja se u pravcu sjeverozapada i izlazi na parcelu k.č. br. 1564, zatim produžava u pravcu sjevera do k.č. br. 1553, te izlazi na put koji ide prema "Visu" do raskrsnice kod k.č. br. 1286, gdje skreće lijevo prema jalovištu Separacije, dalje ide ispod jalovišta i bivše okretne stanice, te kosom linijom presijeca do starog odlagališta jalovine, gdje skreće desno i ispod "Kamara" ide do granice III zone gdje skreće desno i granicom III zone (A), koja je već opisana izlazi u korito rijeke Bosne, a zatim Bosnom ide do Željezničkog mosta za Separaciju, tj. do polazne tačke.

IV ZONA (B)

Granica polazi od ušća "Vrelskog potoka" u rijeku Zgošču, ide uzvodno potokom do ivice parcele k.č. br. 527, gdje skreće lijevo ide na ivicu parcele k.č. br. 210/1, koju obuhvata, te produžava na ivicu parcele k.č. br. 119, gdje skreće lijevo i spušta se na most na rijeci Zgošći, presijeca rijeku Zgošču i u pravcu zapada izlazi na parcelu k.č. br. 39, te produžava dalje preko parcele k.č. br. 3/2 do potoka "Crnački potok" i produžava potokom do ušća u Zgošču, a Zgoščom ide do početne tačke.

V ZONA (A)

Granica počinje na rijeci Bosni kod mosta kojim put za Kamenolom prelazi preko rijeke, ide nizvodno do ušća rijeke Ribnice, dalje skreće rijekom Ribnicom nizvodno do granice eksproprijacije za PK "Vrtlište", gdje skreće lijevo i tom granicom obuhvatajući PK "Vrtlište" izlazi na put koji iz sela Vrtlište ide prema Kaknju, te tim putem silazi na industrijski put gdje lomeći se skreće lijevo i ide paralelno sa putem na udaljenosti od 50 m do mosta kojim put presijeca potok Bijele vode, gdje se uklapa u granicu III zone, zatim skreće desno i granicom III i II zone dolazi do mosta na rijeci Bosni, tj. do početne tačke.

V ZONA (B)

Granica počinje na rijeci Trstionici na mjestu gdje granica zone skreće ulijevo, tj. na parcelu k.č. br. 853/1 DS i ide uzvodno rijekom Trstionicom do ušća potoka "Duboki potok" iznad naselja Haljinići, zatim skreće uzvodno potokom, presijeca put Kakanj-Kraljeva Sutjeska i na udaljenosti od 150 m uzvodno lomi se i skreće prema sjeveru, obuhvata bivši PK Ravne i vraća se iznad Robne kuće u Haljinićima, te na udaljenosti od 150 m paralelno ide sa putem Kakanj-Kraljeva Sutjeska do k.č. br. 278, produžava dalje do parcele k.č. br. 276 i 262, gdje izlazi na put OŠ Bistrik, presijeca ovaj put granicom parcele k.č. br. 137 (Osnovna škola), 136/1, 136/2, 123 i 119, izlazi na parcelu k.č. br. 1365/2, koju obilazi i izlazi na Ričički potok isti presijeca, zatim presijeca put Kakanj-Ričica i izlazi na industrijsku prugu koja ide do Ričice prema Separaciji. Linija dalje nastavlja prugom sve do tunela pod Hrasnom, gdje se uklapa u granicu III zone skreće ulijevo i granicom IV zone izlazi na rijeku Trstionicu, tj. na početnu tačku.

VI ZONA

Šesta zona obuhvata ostala područja općine Kakanj koja nisu obuhvaćena zonom I, II, III, IV i V.

Stav (3) briše se".

Član 5.

Član 13. briše se.

Član 6.

Član 14. briše se.

Član 7.

U članu 21. stav (1) na kraju teksta tačka se zamjenjuje zarezom i dodaju riječi: "s tim da se utvrđena vrijednost boda komunalne naknade umanjuje za 50% za stambeni i garažni prostor, kao i vikend objekte".

Član 8.

U članu 23. iza stava (1) dodaju se novi stavovi (2), (3) i (4) koji glase:

„Komunalna naknada plaća se mjesečno, najkasnije do 15-og u mjesecu za prethodni mjesec.

Izuzetno, Rješenjem iz stava (1) ovog člana može se odrediti da pojedini obveznici (vlasnici stanova i individualnih stambenih objekata) plaćaju naknadu tromjesečno, polugodišnje ili čitav iznos za cijelu godinu ako se time postiže veća efikasnost i ekonomičnost naplate.

Za zakašnjele uplate plaća se zakonska zatezna kamata".

Član 9.

U članu 25. iza stava (2) dodaje se novi stav (3) koji glasi:

"Zavod za planiranje i izgradnju općine Kakanj i Služba za opću upravu, lokalnu samoupravu, mjesne zajednice, stambene i zajedničke poslove uspostaviti će registar obveznika komunalne naknade za stambeni prostor do 31.12.2013. godine, kada će početi naplata po ovom osnovu".

Član 10.

Ova Odluka stupa na snagu 8 (osmog) dana od dana objavljivanja u "Službenim novinama Općine Kakanj".

**PREDSJEDAVAJUĆI
OPĆINSKOG VIJEĆA**
Katičić Slaven, sr.